



Tužilaštvo - Tužiteljstvo Bosne i Hercegovine
Тужилаштво Босне и Херцеговине

A-40-4-2/24

04.03.2024. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci usluge servisiranja i održavanja službenih vozila Tužilaštva-Tužiteljstva BiH marke Hyundai i20 - LOT 2, dodjeljuje se ponuđaču Total trade d.o.o. Doboj.

Član 2.
(Kriterij za dodjelu ugovora)

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-40/24 od 26.01.2024. godine. Javna nabavka je provedena putem otvorenog postupka. Procijenjena vrijednost nabavke za LOT 2 je 4.273,50 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-2-45-3-8/24 od 26.01.2024. godine. Obavještenje o nabavci je objavljeno u Službenom glasniku BiH broj: 8 od

02.02.2024. godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljena je jedna uredno zapečaćena i neotvorena ponuda ponuđača Total trade d.o.o. Doboj.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2024. godinu, broj: A-517/23 od 30.11.2023. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponuda ponuđača Total trade d.o.o. Doboj zadovoljava uslove tenderske dokumentacije i tehničke specifikacije, te se dostavljena ponuda smatra prihvatljivom. Ponuđena cijena Total trade d.o.o. Doboj iznosi 4.042,68 KM bez PDV-a.

S obzirom da je zaprimljena samo jedna ponuda ugovorni organ nije zakazao e-aukciju, već je postupak okončan u skladu sa članom 69. Zakona o javnim nabavkama BiH.

Shodno navedenom, članovi Komisije su uputili preporuku glavnom tužiocu Tužilaštva – Tužiteljstva Bosne i Hercegovine za donošenje odluke o dodjeli okvirnog sporazuma za LOT 2 ponuđaču Total trade d.o.o. Doboj. Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



Dostavljeno:

- Ponuđaču;
- Odjelu za mat.-fin. poslove.